


元江鄉土韻言

地350113  
541



民國九年九月

# 元江鄉土韻言

彭松森筱坡氏編輯

歲次庚子  
菊月廿四

元江鄉土韻言序

積村而成鄉積鄉而成邑由是而省而國推而及於世界自近及遠文物之進化皆無止境者也故欲策將來之進步必先究已往之陳迹欲知世界已往之陳迹又不可不先明本鄉已往之陳迹則鄉土歷史地理顧可置之弗問耶歲戊午冬杪余奉調來權元篆每欲洞察地俗因勢利導以謀展布輒苦地廣民衆公冗蝟集未克遍歷山川盡親拊循稽之志乘則自前清道光丙戌廣侯石如輯有州志四卷迄今將及百年未經續脩歲月滄桑時有變革慨文獻之無徵方與縣之耆老叟謀脩纂而邑紳彭君筱坡不時

鄉土韻言

一

因公來見於本鄉風土故事言之歷歷並出其著鄉土韻言見跡自闢地以迄清末凡區域要害政教沿革皆一一蒐集或得之傳聞或考之載籍或出於自己之閱歷或採之私家之著述原原本本撰以韻語以之訓蒙洵為善本即農工商之幼年失學者亦可誦而習之以擴常識是書之有裨於元人豈淺鮮哉識時之君子幸留意於鄉土故實無徒縱談夫地球五大洲則推愛鄉之心以愛國庶幾免於忘本之誚也爰於其付刊之時樂書數言以貽彭君

中華民國九年歲次庚申孟秋月知縣事南浦黃元直序於元江縣署

自序

昔人有言目不見睫非不見睫也以其近而忽之也  
故人每目窮千里而多忽於目前非獨睫為然今之  
士夫亦嘗縱談五洲萬國矣及詢以本屬之歷史沿  
革以及山脉水源則瞠目不知所對者亦不見睫之  
比例也余從前歷官景東鎮沅師宗司鐸同僚有談  
及元江事蹟者亦緘口結舌而不能贊一詞心常愧  
之乃有是書之編輯無如郡志成於道光初年以後  
之事即無記載且考據亦多疎畧是書兼採及通鑑  
輯覽南詔野史雲南通志諸書道光初年以後之事則  
訪之地方耆老記載從實並不參以意見詞成四言

鄉土韻言

二

聊以便蒙使童而習之庶將來出而應世不致蹈余  
之失惟是昔尚音韻今重教科以今較昔體例已屬  
不合假我數年當更有元江歷史地理格致教科書  
之編緝也是為敘

彭松森後坡氏識於退思補過齋

元江鄉土韻言

彭松森筱坡氏編輯  
彭松華瑞卿氏參校



溯我元江

古西南夷

名惠籠甸

土蠻所居

秦漢以前

聲教不通

迨至唐時

地闢於蒙

鄉土韻言

一

所屬治者

銀生節度

更徙白蠻

十姓遣戍

**通志**元江古西南夷地漢以前不通聲教唐為蒙氏所據屬銀生節度徙白蠻蘇張周段等十姓戍之

遞及五代

和泥據住

名曰因遠

蠻之一部

**南詔野史**

南詔三十七蠻部因遠部為第一部

宋征智高 其黨竄此

開羅槃甸 以為棲止

滇繫宋征儂智高其黨竄居於此和泥開羅槃甸以居之即今元江城

麼些徒蠻 阿剌諸夷

旋逐和泥 據有其地

元憲四年 地初內附

鄉土韻言

二

七年復叛 築城拒命

至元十三 命元江名

遠立府治 以羈縻之

廿十五年 王師討平

通志元至元十三年遠立元江府以羈縻之至元二十五年命雲南王討平其地

割十二部 隸威遠治

立元江路 屬宣慰司

通志 割羅槃馬籠部日等十二部於威遠立元江路屬  
臨安廣西宣慰司

明初洪武 置元江府

以那姓者 世守其土

滇繫 明洪武十五年那中率象歸附授元江世襲土知  
府那中州志作那直

永樂四年 府更軍民

鄉土韻言

三

領長官司 因遠羅必

後改因遠 為奉化州

又置恭順 並隸府治

通志 明永樂四年改元江府為元江軍民府領因遠羅必  
向二長官司後改因遠為奉化州又置恭順州於所屬之  
他即寨

嘉靖卅年 土舍內亂

殺姪奪印 傷及漢官

滇繫嘉靖三十年元江土舍那鑑殺姪奪印布政使徐樾率師討之鑑毒江上流人馬飲之皆死徐公中流矢卒鑑忘而自殺

巡撫石簡 率師勦平

革其土職 指揮署印

滇繫事既平遂革其官收印信令臨安衛指揮一人往署其事而印猶存那氏之家每官書移白必以夷兵環伺

鄉土韻言

四

之署畢腹引去

曰那天福 篡兄自立

傲焉雄長 不服停龍衣

滇繫那天福鑑之孫也土酋雖停龍襲故傲焉雄長

清朝定鼎 兵克元江

有那嵩者 率師抗王

滇繫順治十六年元江土知府那嵩總兵許名臣暗通李定國叛鐸尼吳三桂討平之

桂王走永道經及之

迎謁供奉禮意備至

設宴款待用金銀器

宴畢悉獻以佐軍需

清兵破城嵩自焚死

鄉土韻言

五

士民巷戰元城遂屠

清朝褒忠愍烈賜諡

御批通鑑桂王由榔之走永昌也道過元江土知府那嵩與其子燾迎謁供奉甚謹設宴皆用金銀器宴畢悉以獻曰此行上供者少聊以佐缺乏耳清兵破城嵩登樓自焚合家皆死其士民多巷戰死清朝賜諡愍烈

順治十六改土歸流

置軍民府省去二州

**通志** 順治十六年改土歸流省奉化恭順二州入焉

雍正七年 分普洱屬

改新平縣 歸元江府

**州志** 雍正七年分元江所屬之普洱等處地方設普洱府

併車里宣慰司附又改臨安府屬之新平縣歸元江府通判駐舊恭順州之他郎寨

乾隆卅二 改直隸州

鄉土韻言

六

添設因遠 巡檢一員

割他郎地 歸普洱治

**州志** 乾隆三十二年改元江軍民府為直隸州教授為學

正經歷為吏目添設因遠巡檢一員裁所屬之他郎通判並教職一員歸普洱府

營制之設 初為副將

乾隆年間 改副為叅

光緒乙巳

裁千把缺

戊申之歲

叅守盡徹

建置歷史

已據講明

疆域形勢

自可推尋

東界石屏

百有十里

西界鎮沅

二百七十

鄉土韻言

七

南界甯洱

六百九十

北界新平

一百五十

東西廣寬

二百廿里

南北延袤

計里八百

猛烈一村

犬牙錯入

劃界以後

接壤法屬

按猛烈村距城六百餘里其地與他郎寧洱猛烏交界劃  
界與法國屬地接壤 哀習耶切音斜

天度方位 經緯度數

緯度北極 出地廿三

經度距京 偏西十四

元江天度緯度北極出地二十三度三十六分經度距京  
師中線偏西一十四度一十九分冬至日出卯正二刻十  
三分四十五秒日入酉初一刻一分十五秒晝四十二刻  
二分三十秒夜五

鄉土韻言

八

十三刻十二分三十秒 夏至日出卯初一刻一分十五秒  
日入酉正二刻十三分四十五秒晝五十三刻十二分三十秒  
夜四十二刻二分三十秒

三江合繞 諸緬遙附

五司上游 普沅門戶

新習為藩 車里作蔽

迤南通衢 漢夷雜處

**州志** 三江合繞諸綱遙牽我崑為河險矣天開巨壑馬  
籠列璋壯哉地闊重藩內以新嘗為藩外以車里作蔽為  
王司之上游實普沅之門戶

城池之建 始於元時  
那氏所築 有城無池  
清朝勘定 八次重修

**州志** 元憲宗時那氏築土城周九里壘石為城無池清朝  
康熙雍正乾隆年間八次重修

鄉土韻言

九

東曰迎恩 西云康阜  
南號沐薰 北稱拱辰  
咸豐五年 移新南門

咸豐五年以南門內曠地多移進里許俗曰新南門額曰  
永安

四門之外 置三便門  
名曰來青 文瀾利民

來青門在東嶽廟前利民門在碎米巷底文瀾門在馬家巷底今東方城垣坍塌已盡基址無存

俱在東方 便民汲飲

田賦所出 共分六里

永豐儒林 善政惠遠

定南德化 里名已備

村落基布 未能全記

鄉土類言

十

載籍戶口 二萬四千

輻員寥廓 散處人烟

**州志** 道光四年查造烟戶二萬四千餘百戶城內六七千戶

秋糧二千 七百一十

條公五千 二百有零

更有七百 額外攤丁

光緒九年開懸新定實征秋糧京斗米二千七百一十二石三斗零三合條公正銀五千二百八十五兩三錢六分額外攤丁銀七百兩

氣候炎燠

四時多熱

田惟藝稻

一歲再收

鶯藝分秧

名曰大穀

六月刈稻

黃雲滿屋

元江六月所收之穀曰大穀收後必晒乾始入倉廩故六月間比戶平屋上皆晒穀焉

新土雜言

十一

小穀插秧

不過白露

十月之交

稻已成熟

漢人之俗

異地同風

婚遵六禮

喪稱有無

四時八節

通省彷彿

諸夷之俗

與漢不同

十二種人 多感淫祀

日中為市 各以千支

州志元江各鄉民亦相聚五市以千支為期如甲子日為歲街乙丑日為牛街之類

市中貿易 買賣用鹽

婚嫁之禮 先議聘錢

病用師巫 不信醫藥

鄉土韻言

十二

禱祝祈年 隍廟唱歌

楚夷之俗於二月初八日看迎佛後入城隍祠男女相聚唱歌以祈年豐

糶糶樸喇 冬月過年

糶糶樸喇二種於冬月二十日過年正月元旦仍效漢人名曰小年

旱水棘夷 六月祀先

旱水棘夷二種每年六月二十四日祀祖此戶制生飲酒

元郡山脉 實分兩幹  
東幹發源 新平磨盤  
向南行者 入元江境  
至於他克 起紫營峯  
經占雨山 至青龍廠  
起頂過峽 至大哨山

向西一支 起黃毛嶺  
經路通舖 下至三家  
其所止處 玉台棲霞  
南行一脉 起大風了  
過阿迺山 往結龍馬  
西幹發源 始於哀牢